

欽定剿平三省邪匪方略

欽定剿平三省邪匪方略正編卷一百五十三

辛酉年

五月初二日

丁丑

陸有仁奏言連日據探報賊匪

冉學勝一股由甘肅靈臺竄至隆德固原一帶

經畧額勒登保恐其闌入北山當與督臣長麟

分路兼程兜截賊匪遂由華亭折回隴州向西

南奔竄關入寶雞經畧大兵現在馳赴益門鎮

大灣舖一帶截擊並調省城滿兵一千二百名

鄉勇一千名令副都統祥保遊擊薛國相帶赴
鳳翔一帶保護平原長絳自隴州長寧駟跟蹤
追剿又伍逆餘匪一股人數亦已無多提督楊
遇春同總兵穆克登布由留壩武關分路兜剿
並另派兵在三岔坪扼截擒殺數十人該匪自
褒城縣九條灣竄入沔縣芳埡子等處楊遇春
等現由大石巖張家河一帶分兵三路進剿又

高見奇賊匪一股前經慶成擊敗後復竄至蓋
屋大澗溝黃栢園一帶經通判維昂帶領鄉勇
趕到乘夜圍剿殺賊二百餘名生擒數十名奪
獲長矛八十餘桿次日又追及賊衆擒殺三十
餘名該匪晝夜狂奔由北星溝至棧道黃牛舖
向西奔竄維昂現與總兵劉之仁分路追截慶
成帶兵馳至華陽隨探隨進以遏其折竄之路

又平利安康一帶零股賊匪由洵陽縣大金河
向白河縣之朱家河奔竄又據平利縣稟稱接
奉叅贊德楞泰札開四月初七日在房縣袁杜
地方將徐添德股匪痛加剿殺殲擒三四十人
餘匪被剿情急有由竹谿竄入平利之勢因在
楚省日久缺糧飭令平利縣寬爲籌備等語
臣
當卽飛飭該縣任奎光迅速多運兵糧務須不

分畛域星夜趕到楚省邊界接濟一面籌撥餉銀仍派前次糧員候補知府徐兆伯縣丞羅應庚兼程馳往安爲支應至各路大局情形高見奇一股據報僅存四百餘人殘敗已極其伍懷志一股分竄各處老林日惟採食野菜野笋更屬十分窮蹙均不難指日殲除惟冉學勝一股恃其驟馬甚多亡命奔竄巧避大兵現在各路

兇圍數日內一經見仗自必易於得手再臣接

經畧知會將馬五并伊子馬秉太伊姪馬秉明

偽元帥劉良珍押至漢中交臣審辦臣欽奉

諭旨立即監提馬五等加以極刑據該犯等將積年

滋擾及戕害大員慝慝供吐當將馬五馬秉明

劉良珍綁赴市曹令兵役等逐細鬻割並將馬

秉太同時處斬一面當場安設被害各員牌位

將馬五等新首剖心並前次剖存高二首級排
列供獻臣親率文武各員公同奠祭以慰忠魂
而抒衆憤奏入

上命軍機大臣傳諭陸有仁曰現在額勒登保剿辦
冉學勝一股已逼過渭河南岸德楞泰追剿徐添
德入陝功屆垂成所需軍火糧餉均關緊要陸有
仁務當督飭局員上緊運供源源接濟毋稍缺乏

又據奏審辦馬五供稱嘉慶二年以前曾戕害都
統阿爾薩朗公惠倫副都統豐紳布等罪大惡極
實爲覆載所不容陸有仁業將該逆轍割示衆並
設位祭奠被害各員軍營咸所聞知而其家屬在
京城者尙未目覩仍著將該逆首級用木籠裝貯
卽行解赴京師俟奏到時再行派員帶至阿爾薩
朗惠倫豐紳布墳前傳齊伊三家子孫致祭後再

將該逆首級眼同挫碎以慰忠魂而抒衆憤

同日窩星額襄行簡奏言

臣等奉

命赴陝犒師由寶雞入棧凡經行之鳳縣留壩褒城

南鄭城固洋縣西鄉等處皆連歲賊匪奔竄之

地官兵戰伐之場

臣

等周歷地勢訪察打仗情

形畧可得其梗概自用兵以來嘉慶二年以前

老師糜餉久在

聖明洞鑒之中四年以後諸將知所凜遵尚屬認真
剿辦然彼時賊匪股數尙多每股人數復衆是
以動致需時本年入春後賊股情形不但較之
四五兩年極爲衰敗即較上年秋冬時更形減
少其所以未能即就殄滅者蓋緣剿辦大股之
賊易於見功剿辦小股之賊難於措手當官兵
乘勝追擊之時賊匪潰逃或百餘人或數十人

保忠勇素著其感

恩爲

國之心實屬殫竭血忱不遺餘力且馭將辦事持

正無私誠如

聖諭人無間言恭贊德楞泰_臣等未經會晤聞其熟

習軍務實能奮勇打仗近日操守亦甚收斂再

_臣等面奉

諭旨令查明兵力是否不敷尙須添派伏查

臣等日

前會同經畧額勒登保分撥

賞項時通計陝省兵勇及川楚二省兵丁爲數已入

萬有零而川楚二省壯勇不在此內若一併算

入約計不下十萬此時統計三省各股賊匪不

過二萬有餘以四倍於賊之兵勇似足以敷剿

辦若多添新兵既不得力且遠道檄調行糧口

食徒滋糜費惟現在征兵連年奔走稍形疲乏
衣履偶需添換而又食物昂貴倘遇大獲勝仗
殲淨股匪時仰沐

皇仁以節省添兵之費爲

施恩犒賚之需則鼓舞振興較之添兵似覺費省而
得實濟又_臣等面奉

諭旨以糧餉是否足用或應添撥亦須查明不敷之

由據實具奏伏查各路軍營糧餉自嘉慶四年以
後帶兵及糧臺各員咸知慎重經畧額勒登保
復將滿漢官兵分例騾頭夫價一切據實裁減
陝西巡撫陸有仁查照辦理以現在情形而論
陸續撥解之項適足以敷支發惟查師行無定
而糧運轉輸必須輾轉緊隨始可無虞缺乏山
險崎嶇之境騾頭倒斃背夫居奇亦情勢之所

時有在官兵錢糧計口以授自有一定成數而山路遠近夷險不齊運腳遂因之多寡不一將來銷算自必按例核減而一時濟運急需未免通融辦理是費用之糜不在軍糧而在運腳也

臣等採訪人言及愚昧所見謹酌擬數條恭呈

御覽一棧道內似宜撥兵駐守也伏查由寶雞至褒城廣元一帶爲川陝兩省摺奏文報軍火錢糧

官員商賈往來必經之地且棧道左右俱係大山其山溝內東由五郎鎮安可通商維西由秦隴直達甘境實爲居中扼要從前原設有守兵梭織巡察以資堵禦賊匪不敢肆意滋擾聞後來係帶兵各員陸續撤出借以自衛棧道千有餘里遂至空虛連遭賊匪焚殺盤踞自如凡經行大路村墟市集盡成灰燼瓦礫之場且東面

剿賊賊卽越過棧道西入甘境西面截賊賊復
越過棧道東入陝境大路往往文報不通各站
驛馬屢被賊劫由省局解發漢中餉項動至遲
延且商賈裹足軍營食物昂貴亦由於此若將
從前設守之兵全數查明屯列卡中擇要隘之
地安置大營數處派委勤幹將弁督率巡守俾
聲勢聯絡則東西被剿之賊斷不能飛越棧道

且可資夾擊之用一寶雞鳳翔郡縣似宜安兵
駐守也查寶雞爲西安咽喉鳳翔爲西安屏障
東達盩厔郿西達汧陽秦隴兩邊山溝處處
通連從前賊匪卽有由盩郿直犯西安省城之
勢近日復有由汧隴逼近鳳翔郡城之勢現在
各路大兵俱在東西南三面北面一帶在在空
虛此時南山以內尙有人可擄有食可掠是以

賊匪憑依山險老林不敢竄入平地若將來寨堡一律完固山無居民村無糧食又被官兵搜捕緊急賊匪計無復之勢必亡命亂竄則由竄雞迤北郡縣平原富足之區關係非小似應於實雞鳳翔兩處預撥防兵時加訓練與西安省會滿漢官兵聲息相通以嚴備禦一長麟所帶之兵似可歸併經畧酌辦也伏查陝境西南一

帶軍務經畧額勒登保俱交長麟經理卽如再
學勝一股竄入棧道時其初不及千人官兵並
未緊剿以致日久裹脅多人官兵轉有挫折且
主將原以帶兵若未經戰陣之將轉須分兵護
衛卽偶一遇賊伊手下將弁兵勇意存保護主
將於衝鋒折銳轉覺有所牽掣是不特徒疲兵
力抑且虛耗錢糧經畧額勒登保現在棧西似

可就近將長麟所帶兵勇交額勒登保酌量情
形或將此項兵內分撥若干駐守寶雞鳳翔及
棧道一帶其餘兵勇另派得力大員帶領庶可
以收實效一各處雇覓鄉勇似宜核實也伏查
鄉勇係烏合之眾不習戰陣用以守禦不過爲
虛張聲勢之舉一經遇賊往往先行潰散擾亂
軍紀轉致債事且此項鄉勇有事卽隨意濫招

無事則任其逃散並無名冊籍貫而不肖之員
遂藉此虛報人數冒領錢糧臣等訪聞惟經畧
叅贊兩營所帶鄉勇久經戰陣已成勁兵餘皆
有名無實應請

勅下額勒登保將此項人數飭令各處造具花名籍
貫住址以備查核嗣後如有招募鄉勇之處應
令報明經畧詳加核酌毋許私自招充既可以

收實效而節虛糜且於將來善後事宜亦可易
於安置一西安省城軍標滿漢官兵宜核實訓
練也查滿營兵丁自用兵以來連年檄調隨征
不免傷亡現在存城之兵調養傷病及新挑充
補者居多遇有調派恐不能得力似宜及時訓
練而軍標綠旗兵丁亦恐因連年征調牽混缺
額伏查蓋鄠各縣附近省城縣屬峪口在在與

南山徑路相通實關緊要亟宜查明綠旗兵額
與滿營官兵一律勤加操演以衛省會而重兵
防一各路軍營保劾人員似宜併交經畧復核
也伏查經畧事權最重三省軍務皆其統轄

聖明擇人委任未嘗不假以事權自額勒登保接印
後卽奏明伊所帶一路將弁自應保劾其餘各
路仍聽帶兵大員自行具奏在額勒登保深避

專擅之跡固宜如是然各路帶兵大員倘蹈從前捏飾之弊任意妄保阻奮勇之心開黃緣之漸於軍務大有關係嗣後各路軍營所保將弁似宜統歸經畧復核庶帶兵大員不敢濫行保列而認真出力之人亦必自知奮勉更足以勵人才而杜倖進奏入

上命軍機大臣傳諭額勒登保曰長麟帶兵本非所

長其節次奏報軍情亦多不實不盡從前因陝省
賊股較衆各路需人堵剿暫令長麟協同剿辦今
該處賊匪業已疊次殲擒祇有冉學勝尙屬大股
此外皆係零星賊黨現在竄往甘境之高見奇亦
屬小股不難剋期剿淨該省大功指日告竣一切
善後事宜如裁撤鄉勇清查叛產撫卹難民在在
均關緊要陸有仁現在辦理糧餉未能兼顧長麟

係本省總督地方是其專責所有高見奇股匪著
額勒登保於慶成楊遇春二人內酌派一人迅往
接替管領長麟原帶之兵督同蕭福祿將此股賊
匪趕緊辦竣長麟於交替後或回蘭州或赴西安
辦理地方諸務不必在彼帶兵本日據窩星額裘
行簡等條奏內稱竇雞裘城廣元一帶棧道爲川
陝兩省毗連要地賊匪屢經窺伺應安設兵勇扼

要防堵著額勒登保察看情形如此旨到時業將
冉伍等股悉數殲淨或賊蹤去棧道已遠自無須
添設多兵在彼駐紮若該逆等尙在棧道左近奔
竄卽將撤出長麟所帶之兵分撥巡防其所撥防
兵更當時加訓練俾嫻紀律而資捍衛再鄉勇一
項係各處招募非如額設兵丁有名冊可稽經手
人員藉此冒領錢糧乃地方官積弊朕所深知並

著額勒登保轉飭各該地方官核實辦理毋得稍
有侵冒目前再逆股匪業經額勒登保等逼過渭
河南岸慶成楊遇春先後趕到有此三路大兵剿
辦自可尅日殲除其伍懷志一股在沔畧一帶著
額勒登保飭催穆克登布等上緊剿淨毋再稽遲

初二日

戊寅

額勒登保奏言查再學勝股匪前由

隆德北竄固原經

臣

帶兵兜截仍折向陝之隴

州一帶奔逃行走愈速十五六兩日由隴州之

高漢川竄向香泉一帶有奔渭河之勢沿河東

北可直出寶雞岐山臣慮其闌入平原遂一面

知會長麟帶領蕭福祿等仍由長寧驛沙河店

營頭鎮一帶截剿緊顧西北一面又派令遊擊

高萬春帶兵勇千餘各尾隨賊蹤以防回竄臣

並卽率同札克塔爾等由隴州之神麻舖入渡

里縣頭鎮取道疾馳於十七日抄出寶雞之南
益門鎮預扼東竄平原之路接據探報賊匪聞

臣帶兵由寶雞一帶進發不敢竄向東北十七

日從胡店躡棧越過渭河向唐藏廢邱關高橋

江口竄往棧東臣連日率師由黃牛舖草涼驛

鳳縣覓路至銀母寺王家楞一帶顧住南山向

東南抄截賊匪知大兵從旁截擊恃其驟馬之

力並不停息連日從三元壩平定關窄狹子平

樂河入城洋地界此一帶緊接南山之南亦均

係層山疊嶺

臣

督率官兵每日兼程行走穿林

越澗將士等尙能不憚險阻旋探旋進於二十

四日已抵葦子壩查探賊蹤相距尙有百餘里

沿途雖有斬獲而未得痛殲且訊之獲犯供稱

冉學勝前於固原經官兵截回本想由寶雞出

平原到河南去及至渭河探得竇雞有兵因卽
從廢邱關入棧東趁此驟馬之力仍思前往河
南湖北如官兵追趕緊急祇可設法過漢南到
四川邊界等語尤爲可恨所有楊遇春一路官
兵臣曾經知會由棧道前來與臣會剿該提督
先於初八九等日由沔縣一帶入棧時探知穆
克登布等所剿伍懷志股匪由九條灣竄來仍

率官兵趕往黑河一帶設伏迎截詎該匪聞知
沔縣有兵前來而穆克登布等又緊躡其後恐
被夾擊又東竄三分坪一帶該處皆係密林深
溝杳無人跡之處經穆克登布預先派令在彼
抄截之副將游棟雲都司王兆龍等率領兵勇
迎剿斃賊數十人奪獲刀矛旗幟三十餘件賊
匪由箐林內分三四股逃竄楊遇春穆克登布

等尙在黑河老山併力搜捕是楊遇春尙未接
到臣信故未卽行入棧而伍逆股內先有分竄
賊匪三百餘人又竄棧東於十七八等日由西
南沙壩竄近寇家關適總兵劉之仁探剿高見
奇股匪行抵該處卽由濫紫溝迎截斃賊四十
餘人賊匪奔上山梁兵勇分路進攻又斬獲三
十餘人該匪仍由東南竄向大藥地老林潛匿

其高二餘匪自劉之仁雒昂率領兵勇由安河
厚畛子逼出老林之後經慶成於月亮坪大壩
梁迎剿該處林深徑仄木石縱橫慶成率領遊
擊張奉廷邢承誥及各將弁等徒步進剿斃賊
八九十人生擒一百數十人所有附近裹脅民
人俱乘間逃散該匪由大澗溝奔逃又經雒昂
率勇乘夜進剿正值該匪在江石河屯住鄉勇

等點燃草房數間於火光中吶喊直前賊匪驚
慌亂竄斬獲共計一百餘人餘匪不過六七百
人探報又由鳳縣三岔向棧西桃花坪仙坪逃
竄并據獲犯供稱欲赴兩當吳寨山內躲避

臣

查甘省地界甫將冉學勝股匪追逼出境儻任
此等餘孽在彼輾轉擄掠又成大股自應急爲
搜剿昨長麟一路官兵由胡店過河向東岔河

一帶而來今距冉學勝股匪稍遠於桃花坪仙
坪較近長麟與蕭福祿帶領兵勇現有六千餘
名臣當卽飛咨長麟卽派得力鎮將酌帶兵勇
二三千名連於桃花坪一帶探蹤兜剿務將高
見奇股匪掃除淨盡不致稍任滋蔓並囑長麟
於棧道扼要之地相機督剿分竄之賊至伍懷
志分出零匪剩有二三百人在大葯地老林卽

令劉之仁率同雒昂併力迅速撲滅一經辦竣
卽督飭將備將安營設防等事趕緊妥辦以靖
地方現在各賊匪內實惟冉學勝一股騾馬尙
多人數亦較之各股爲衆間

臣

兵到又隨處盤

折徒使震懾兵威而不能速行剿洗仍屬無濟

臣

現查伍懷志正股賊匪祇有千餘名有穆克

登布豐紳綸布春等協力搜剿自可完竣

臣刻

平定回疆方略卷之三十三 三

又飭知楊遇春格布舍張鳳等速帶官兵備程
由城洋一帶前來并查慶成在華陽四畝地一

帶臣亦札知帶兵速赴茅坪西河饒峯以杜其

東向之路臣卽督師由葦子壩相機趕緊兜擊

如能就地卽將冉逆先事殲除其餘更易辦理

再近據馬玉魁柯藩報稱平利安康一帶賊匪

欲竄湖北經馬玉魁革職總兵柯藩於本月初

一日率同副將國興阿守備王英於蘭河口獲
有勝仗殺賊三四百名賊匪潰敗鑽入山梁樹
林內伏匿惟打仗時千總陳遇高帶兵衝入賊
羣被賊圍住柯藩帶領王英等往救該千總殺
賊二名力竭陣亡兵勇亦折傷數十名賊匪是
夜從各山林內冒雨東竄慶溥喜明聞信於孟
石嶺八卦廟截剿殺賊五十餘名生擒二十餘

人餘匪翻越山林至竹谿會灣一帶慶溥已追

入楚界臣復飛飭慶溥帶領馬步官兵二千餘

名速赴竹谿竹山務須上緊截剿仍攔回陝界

并飭喜明馬玉魁等將平利安康後股零星之

賊趕剿淨盡毋令再有東竄若慶溥將楚境賊

匪截回更可收夾擊之效臣亦惟不遺餘力督

催各路鎮將鼓勵兵勇卽期殺賊賊事斷不敢

稍涉遷延再查直隸宣化鎮總兵觀祥出師冬
次著有勤勞並經帶傷此次帶兵在營亦經數
載節經派委防剿等事均無貽悞茲據該總兵
呈稱年老衰病耳目聾瞶係屬實情可否予以
原品休致卽令回旗調養之處出自

聖恩又直隸天津鎮屬武清營都司李昌與染患癆
疾日久未痊現據慶成查報前來應請

旨勒令休致奏入

上命軍機大臣傳諭額勒登保曰冉學勝股匪經額勒登保於寶雞進兵逼過渭河南岸竄至城洋地界該處地接南山爲賊匪遁逃之藪若該逆被剿情急復行竄入剿辦又致費手今額勒登保願住南山向東南抄截所辦甚是額勒登保自任經畧以來督兵打仗不辭勞瘁素爲奮勇朕所稔知現

屆夏令氣候暑蒸軍行倍覺辛苦尤深墮念額勒
登保務當上緊督辦將內逆等股全數殲除愈速
愈妙其伍懷志一股由沔縣東竄三分坪一帶經
穆克登布派令將領抄截殲斃數十名該匪分股
逃竄額勒登保務須督催穆克登布等緊躡賊蹤
迅速剿洗勿留餘孽至摺內稱平利安康一帶賊
匪欲竄湖北經馬玉魁等於蘭河口獲有勝仗殺

賊三四百名慶溥已追入楚界前據長齡奏有陝
省不知姓名賊股從洵陽竄入二竹長齡帶員堵
截此次馬玉魁等所剿者想卽係此股無名賊匪
昨德楞泰追剿徐添德等股已至陝境洵陽一帶
額勒登保諒尙未接到此信此時經畧叅贊兩路
大兵相距不遠聲勢更爲聯絡若再逆被剿緊急
或與徐逆合夥則額勒登保與德楞泰會同剿辦

更可剋日蕲功惟當倍加奮勉趕緊籌辦完竣再
長麟前已接據額勒登保咨會專辦高一餘匪高
見奇一股今該督本日奏到之摺不過陳奏尋常
事件於軍務情形並未提及看來長麟竟不能帶
兵打仗伊現帶兵勇六千名著額勒登保遵照昨
降諭旨於慶成楊遇春二人內酌派一員迅速接
替管領長麟原帶之兵督同蕭福祿將高見奇股

匪辦竣爲要所有此次殺賊陣亡之千總陳遇高
著咨部賜卹至所奏宣化鎮總兵觀祥年老衰病
著照所請以原品休致卽令回旗調養李昌與著
卽勒令休致

同日勒保奏言查湯思蛟等股在馬家營一帶
屯踞日久並於附近各處據險紮卡挖斷路徑
不但馬隊萬難施展卽鍋帳騾馱亦不能行走

若不設法轟逼出山難期得手

臣

當令永寧帶

同副將田朝貴張績參將羅聲皋李錦麟遊擊

傅廷佐鄔海慶桂涵等挑選奮勇步隊各裹乾

糧卽由南埡場分路從燈草壩關口坪一帶覓

道進山直搗馬家營賊巢並知會七十五汛由

太平白沙河入台山七里溝一路入山與永寧

兩面轟擊仍留託雲泰帶兵在城口堵截遏其

竄入陝省之路

臣

與阿哈保督同協領達斯呼

爾岱侍衛莫爾歡保花品塔什拉副將倭星額

遊擊馬隆門繼春等帶領馬步官兵由溫湯井

榨井壩一路兜截以防闖入腹地永寧等一路

官兵連日冒雨前進十七日行抵楊柳池地方

該匪先於附近馬家營之靈官廟山梁設有木

卡極爲險要必須乘其不備搶過此卡方可進

抵賊巢是夜正值陰雨永寧等於四鼓發兵潛
進甫及天明已抵靈官廟賊卡我兵人大奮勇
砍倒木柵該匪猝不及防紛紛滾巖逃竄跌斃
甚多生擒二十三名立即正法我兵乘勝前進
直抵馬家營山脚該匪等佔據山梁率衆抗拒
我兵連次攻撲該匪滾放擗石官兵不能搶上
相持半日該匪等抵拒愈力永寧等因仰攻甚

難隨一面密派李錦麟鄔海慶桂涵等挑帶兵
勇由右手繞路攀援而上一面仍卽督兵上攻
該匪正與我兵抗拒不防右手又有官兵已抵
半山賊卽分人迎敵永寧田朝貴等乘勢直上
賊卽紛紛潰逃我兵兩路搶上山梁追壓十餘
里殺斃賊匪二百餘名生擒一百十八名奪獲
刀矛二百餘件大小賊旗七桿時已昏黑官兵

卽於馬家營露處暫紮訊據獲賊胡有方供稱
湯思蛟劉朝選只知城口有兵堵截並聽得大
兵由榨井壩一路前來不防又有官兵來至靈
官廟將卡衝破不能存紮卽挑留戰手八百人
並僞總兵符添明僞先鋒冉悅在馬家營山梁
斷後堵住官兵湯思蛟劉朝選帶領夥衆卽於
十八日早先向王家坪周家槽逃去符總兵已

被官兵殺死冉先鋒不知下落等語現獲各犯
內有旗手徐貴富王成烈其餘俱係戰手均卽
一併正法詔永寧由朝貴張績等卽帶領官兵

緊躡追剿

臣

於權井壩探知該匪已由周家礮

逃竄出山料其必走雲萬一路

臣

卽於十九日

同阿哈保督率馬步官兵由權井壩温湯井趕
抵雲陽之謝家壩該匪等探知此路有兵卽折

向東竄維時永寧等追賊由老林出山亦至謝
家壩與臣會合據報賊匪已向風竹塘麻柳壩

遁去查風竹塘西北一帶仍係翻入老林之路
我兵若全隊尾追恐該匪等又入老林是以商
定分爲兩路前進永寧等一路官兵從左手天
生橋雲開溝火石包兜住老林之路臣同阿哈
保帶領官兵由桐子園羊圈溝向風竹塘緊躡

追剿二十日永寧一路進抵雲開臣同阿哈保

一路進抵雙寶寨均已趕及賊尾兩路官兵隨

剿隨進沿途斬獲頗多我兵進抵麻柳壩該匪

等竟敢率眾分頭迎敵我兵兩路併力前攻追

殺二十餘里直抵白草壩統計斃賊五百餘名

生擒四百五十八名奪獲旗幟十八面烏鎗四

十八桿刀矛五百零三件餘匪向大壩口野龍

池一帶奔竄訊據王進才等供稱湯思蛟劉朝
選本祇一千餘人因官兵剿散藍號王士虎等
餘黨奔來合夥共有二千餘人隨後又有龍紹
周股內被官兵剿散之唐明萬黃號一股與辛
聰合夥由後坪竄來歸併一處約計共有五六
千人今被官兵追殺內黃藍兩號之賊有歸夥
不及者尚周家槽逃入老林現在祇剩三四千

人除將戰手從賊日久之李成林等一百五十三名俱卽正法其餘男婦蒲尙周劉李氏等三百零五名口俱係被擄未久當卽給予路票散給銀米釋回安業查大坵口野龍池東通尖山壩係走大寧寶塔之路北走蓋頂紅池壩核桃壩均係沿邊老林仍須分路追剿適七十五一路官兵在八台山探知賊已出山急欲前來會

剿因渡口巖河水漲發不能躡渡又不能搭橋

卽由土黃壩一路改道行走於二十一日趕抵

白草壩與臣會合當卽公同商酌七十五仍帶

原兵走亮埡子七里坪梨兒壩一路顧住沿邊

老林兜剿前進臣督同阿哈保永寧等仍由大

埡口緊躡追剿以收兩面夾擊之效至剿散藪

藍兩號遁入老林餘匪臣現已札飭託雲泰就

近搜捕再獲紹周股匪前由楚省闖入大寧縣屬之白露溪香沖地方經該處團勇擊退後又從神鹿坪闖入大寧有衝入鹽廠之勢經防守該處之遊擊劉朝貴督率都司沙念聖等帶領兵勇迎擊斃賊十餘名該匪折竄蕭家坡翻越老林向陝境茅壩道去頃又據託雲稟報該匪等已闖入後坪一帶距修溪壩不遠查龍紹

周股匪前經德楞泰與臣札飭託雲泰即在城

口一路探剿茲既闌入後坪復飛飭該鎮會同

副將褚大榮就近實力迎擊一俟臣與七十五

將湯劉等逆股匪剿辦得手即行酌量分兵前

往至川北一路又有陝境剿散賊匪一股由老

林窳至通江西有溪地方經候補道劉清督同

軍功楊仕山苟文耀龐大祥等帶領鄉勇迎剿

殺斃賊匪一百餘人招出難民蕭盛禮等一百

五十六名

臣

恐川陝沿邊老林尙有似此剿剩

餘孽業已飛飭劉清督率各州縣策勵鄉團認

真搜捕並將招出難民妥爲安插務使得所奏

入

上命軍機大臣傳諭勒保曰勒保奏將湯思蛟等股
轟出老林連得勝仗並與七十五會合兜剿跪奏

俱悉惟據稱該匪等在馬家營附近據險紮卡挖
斷路逕不但馬隊難以施展卽鍋帳騾馱亦不能
行若果如此官兵旣不能行走賊衆亦在彼坐困
何能度日乎總因勒保剿辦此股賊匪日久遷延
從前賊匪在乾溪溝屯聚時據賊探供稱原有俟
二麥成熟出來搶掠之語該匪在山歇息已經數
月且稔知各處麥田俱已收穫山內無食可掠不

能存住自行出山爲掠食飽颺之計而勒保適逢
其時耳雖斬獲共有一千三百餘人未足爲功本
日審訊王廷詔供稱賊匪與官兵接仗每令難民
在前其被官兵擒戮者多是婦女幼孩今勒保所
奏殲斃多名必係裹脅老弱難民並非正賊其爲
首之湯思蛟等帶同夥衆又復遠颺該匪等旣已
出山勒保卽當與七十五等趕緊分投兜剿切勿

又任其蔓延滋擾此次惟永寧帶兵搶上山梁較
爲出力著交部議敘勒保甫經獲咎革去翎頂辦
埋湯逆等股究屬遲延雖經得有勝仗尙不應給
予議敘總俟將湯逆等股全數掃除肅清川境朕
當優加懋賞若再不能上緊剿賊必當重治其罪
勒保不可不倍加愧勉又所奏龍紹周股匪前由
楚境闌入大寧近又向陝境茅壩遁去竄入後坪

一帶賊蹤飄忽無定總在川陝楚三省東奔西竄
但賊匪一經闖入川省無論何股賊匪該督總當
督飭將領卽在該省境內剿洗淨盡德楞泰追剿
徐添德等股現已入陝勢不能兼顧川省勒保不
必坐等德楞泰來川協剿藉以邀功卽使德楞泰
剿完徐逆移師入川掃蕩賊氛勒保身任總督不
能奮勉成功必待因人成事亦覺可愧何如趁德

稭黍未到之先將各殷賊匪迅速剿竣爲柔榆之
效乎

欽定剿平三省邪匪方略正編卷二百五十四

年

五月初五日

庚辰

上命軍機大臣傳諭陸有仁曰長麟辦理汴陽悄悄會一案朕聞該處民人私立會名雖實有其事但並非顯然悖逆糾眾起事長麟其時因剿辦冉學勝一股賊匪不能追及恐蹈愆尤適聞汴陽之事卽赴該處查辦擊獲多人張大其詞以掩其不能

趕上再學勝之咎彼時再逆一股夥匪僅剩六七百人祇因長麟前赴汧陽遂致肆意裹脅又成大股至今未能剿淨前此屢經降旨卽實係白蓮教內之人如果伏而未動與齊民無異槩不搜求所誅者止係叛逆若不過私立會名並非新起教匪而長麟率派蕭福祿帶兵剿辦以致殲擒跌斃者二千七百餘人并牽連寶雞岐山等處使無辜之

民駢首就戮豈不可憐長麟奏到時幸而朕卽降
旨祇令將爲首之武振關等家屬照例辦理其餘
槩免緣坐并諭令長麟不可輾轉拖累就案完結
否則株累寧有已時乎且武振關等如果預蓄逆
謀聚衆起事豈有不悉力抗拒之理乃蕭福祿兵
勇到時立將首夥各犯按名擒獲其逼入窰內者
卽放火燒斃並無一名漏網辦理何若是之易況

此案拏獲各犯本降旨交陸有仁審訊而長麟到彼後卽將各犯分別辦理安知非長麟恐陸有仁審出別情事難掩飾故爾自行審結以上種種疑竇殊難憑信此案虛實斷不能掩人耳目陸有仁係本省巡撫寧有不知之理特密諭該撫將武振鬪等會否糾衆起事抗拒官兵抑係祇私立會各並非叛逆官兵慘殺無辜之處密行查訪不可一

字涉虛詳細速奏該撫不可因長麟係屬費羅
存徇隱惟當徹底查明或其中情節尚不止於朕
之所聞亦當據實直陳總須得有確據此事原與
陸有仁無涉朕亦不止詢問陸有仁一人若經此
次特交查詢之後該撫如有不實不盡或竟代爲
隱匿經朕訪出陸有仁轉蹈欺飾之罪亦不可因
有此旨意存迎合以致稍有屈抑也

初六日辛巳德楞泰奏言查首逆陳朝觀帶傷遠

巖未得下落曾芝秀帶傷脫逃恐藏匿山谷漏網遠颺而各逆狂奔異常又勢難分兵遍行搜

捕臣遂派把總袁那等酌帶兵勇搜捕並懸賞

於白河洵陽一帶洞寨如有孳獲帶傷首逆陳

朝觀會芝秀者先賞銀一百兩並卽奏明賞給

頂戴長齡明亮等有守土之責仍令各帶原兵

回楚分防臣督同賚冲阿温春色爾滾馬瑜蒲

尙佐侍衛將備等帶領兵勇由金河前進查該
逆等五股疊被官兵剿殺時分時合忽東忽西
日行竟至一百六七十里不等我兵亦極力緊
追沿途潰散難民及拏獲落後賊匪不少二十
三日酉刻途次觀音堂探報江岸上下游之峪
河口高壁洋兩處均有賊匪窺伺欲渡漢江又

查峪河口相距高壁洋三十餘里

臣

卽督同賽

冲阿等飛催馬步官兵順道趕進距河口十餘

里賊衆望見官兵卽翻山逃遁

臣

當派總兵蒲

尙佐侍衛達勒精阿總管遜多保參將馬應國

遊擊劉彪等帶領馬步兵勇緊跟追剿

臣

督同

賽冲阿溫春色爾滾馬瑜等帶領馬步兵勇飛

馳高壁洋時已二更詎該匪已於是日酉刻衝

破鄉勇卡子擒命廳渡過江拏獲匪犯朱光雄
等訊稱係徐添德樊人傑等股賊匪尙有四千
餘人因連日被官兵追剿危急所以大家商量
分投搶過江去其時淹斃人多並聽說現在水
勢深溜官兵必得搭橋耽擱我們就可脫身遠
走等語惟時已夜深黑暗江水深淺莫測官兵
卽於江岸露處一夜至天甫黎明卽廳探灘淺

處所水深三四尺四五尺不等溜勢甚急正在
籌畫間適見江岸民房內有積存筏纜十餘根
當令官兵淌過對岸釘椿拴繫並馬隊先行淌
渡步兵拽尾絡繹依附筏纜而行臣亦卽督率
後隊淌過官兵人夫等安渡無恙是日蒲尙佐
帶兵回營拏獲活賊柯隆觀等五十一名呈繳
耳級六十二副驟馬十七匹頭旗幟刀矛一百

三十二件訊據柯隆觀等供稱徐添德等見官兵追緊叫曾元帥等並藍號餘匪在峪河口搶渡虛張聲勢他與樊崇樞等就到高壁洋躡淺不想我們纔到江岸見後有官兵追來大家翻山四散跑逸聽說黃號王國賢張萬林還有七八百人在大小神河一帶我們要去合夥等語查該逆等合併不遇一千餘人非竄平利卽圖

入楚

臣

隨即飛咨長齡明亮等於邊界嚴密防

堵毋使復入並飛札飭知慶溥喜明馬玉魁等

帶兵於大小神河一帶迎截剿辦斷不可令其

蔓延當將獲犯分別辦理訖隨據探報徐樊等

股賊匪過江後向東狂竄有奔鄖西之勢

臣

於

二十五日四鼓督同賽冲阿等帶領馬步兵勇

由柳村進發扼據東北向西南兜剿黎明兵抵

乾溪口時賊匪正順洵河下走隨令賽冲阿温
春蒲尙佐侍衛達勒精阿富僧德德楞額克什
布協領明德克星額穆騰額副將李應貴叅將
馬應國李東山遊擊何君佐沈洪德英額等帶
領馬步兵勇馳赴鍾家坡扼截其東北奔竄之
路臣督同色爾滾馬瑜侍衛慶昌蘓爾伸珠爾
杭阿等帶領馬步兵勇分路剿殺立斃賊二百

餘名生擒况添運等一百三十一名該逆等敗
上新開嶺大山梁我兵仰攻該逆佔住埡口抵
死抗拒查看新開嶺山高二十餘里山脊路徑
羊腸一線我兵攻打緊急該逆遂丟棄馬騾一
百餘匹頭橫塞滿道計圖兔脫臣恐稽遲卽令
全行熱斃推下山澗我兵搶上山梁乘勢下壓
至張家坪又殺賊四百餘名生擒崔世昌等男

婦大小二百七十八名口騾馬八十餘匹頭刀
矛旂幟五百餘件計日行一百六十餘里賊分
三股已向西南鎮安一帶奔逃約共不過三千

餘人臣當卽飛移署提臣慶成探蹤迎頭截剿

以收兩面夾擊之效並飛札陝安鎮總兵劉之
仁等於江口一帶遏其竄入之路並聞經畧額

勒登保現在五郎一帶剿辦賊匪臣已將賊竄

道路情形一一咨呈隨訊獲犯况添運崔世昌
等供稱徐樊兩掌櫃被官兵連次剿殺實在害
怕原想過江可以躲避不料官兵淌渡追趕今
日又被殺傷多人今總探聽無兵地方乘空仍
要轉回四川除將獲犯四百九名內訊出小頭
目况添運等一百四十三名槩行正法其難民
王世輔何來氏等一百一十五名口解交洵陽

縣遞送各原籍其附近難民劉在楊吳石氏等
一百五十一名口當卽釋放臣查徐添德爲川

省起事元凶樊人傑爲襄陽起事首惡數年來
蹂躪於川陝豫楚之間狡猾異常臣惟有鼓勵

兵勇趕緊剿辦務期生致

闕下盡法處治再本日據留後搜山之把總袁邠
陳偉等稟報二十二日至洵陽屬裕欣寨地方

聞寨長已將帶傷首逆陳朝觀拏獲在寨俟把
總等趕到該寨查驗再行稟報續據署洵陽縣
知縣嚴如煜稟稱自奉諭搜拏帶傷各首逆後
卽分諭各寨洞一體嚴密查拏並親帶鄉勇於
大棕溪地方防堵二十三日適有賊匪數百欲
行搶渡被鄉勇鎗礮擊斃十七名賊見不能過
渡卽翻山逃去次日仍帶鄉勇逐處搜捕據裕

欣寨寨頭陳思揆陳萃係報稱已將藍號首逆
陳朝觀拏獲並續獲青號元帥李順安陳朝觀
之弟陳朝榮探馬頭熊學富等四名查看俱各
帶有傷痕現在寨中嚴密看守稟請辦理

臣查

藍號首逆陳朝觀前經帶傷滾巖茲被生擒業

已自認其爲陳朝觀無疑

臣

當卽飛飭洵陽縣

嚴如煜親赴該寨將陳朝觀與伊弟陳朝榮質

訊明確並訊明李順安押解回縣取具確切供
詞牢固監禁並令查明何人首先拏獲何賊逐
一據實稟報其應行獎賞之處俟稟覆到日再
行奏懇

天恩以示鼓勵此次打仗間有陣亡帶傷兵勇容俟
查明再行咨部辦理奏入

上命軍機大臣傳諭德楞泰曰陳朝觀本係帶傷淡

崖逃竄之人今雖經寨頭陳恩揆等拏獲而曾芝
秀尙無下落其殲斃徐樊等賊匪先後亦不過七
百餘名轉任緊要首逆徐添德樊人傑衝破鄉勇
卡隘躡渡漢江北岸該處逼近南山尙令其竄入
恐夏令又不能蕪事矣德楞楞泰跟蹤緊躡茲復過
江追剿尙無不合但徐樊二逆竄近漢江北岸時
該處豈無大員在彼帶兵防堵何以任其躡淺渡

江僅誘過鄉勇不能抵禦乎慶溥額勒亨額喜明
馬玉魁俱有防堵之責著德楞泰查明此次徐樊
二逆係何人沃地逸出據實參奏現在徐樊股匪
既向鎮安一帶奔逃而額勒登保已至五郎一帶
想再學勝股匪亦有漸趨東北之勢斷不可令徐
樊二逆與之合夥更須嚴防其竄入南山此爲最
要此時德楞泰已飛咨慶成迎頭截剿並札飭劉

之仁等於江口一帶堵剿德楞泰務須奮力截擊
卽未能立時殲擒仍當截回漢江南岸逼入川境
剿辦尙易爲力切勿令其闖入南山亦不可令其
竄往鄖西至摺內稱徐添德樊人傑二逆務期生
致德楞泰之意不過因剿捕賊股業已竄渡漢江
北岸爲此寬慰之語但起事首逆如劉之協王廷
詔等俱已解京辦理徐添德樊人傑等雖係首惡

究不如劉之協王廷詔之更爲積久巨款若孛獲
後解京審辦正當天氣暑熱之時沿途或致病斃
轉得倖逃顯戮自應卽在孛獲地方盡法處治樹
剖示衆亦足以彰國憲而抒衆憤此時首逆徐添
德之外樊人傑卽居其次前經有旨懸立賞格應
再行曉諭不拘何人將徐逆擒獲者得受上賞擒
獲樊逆者次之遵照前旨分別陞賞務須及早殲

擒勿得再稽時日至此次擊獲陳朝觀之寨頭陳
思揆陳萃儒著德榜秦將何人首先擊獲何賊應
如何獎勵之處查明具奏

初八日

癸未

額勒登保奏言查冉匪蹤跡無定

臣

先經知會慶成帶兵於兩河饒峯杜其東竄

臣

親督官兵復由鐵河關一帶緊扼東北而進該
匪不敢東趨遂南竄洋縣地界二十四日晚探

報賊匪已有數十騎至距城十餘里之周家坎

臣

以該處逼近城垣遂率同札克塔爾等帶兵

於是夜三鼓前進計行一百六七十里二十五

日傍晚趕抵洋縣而賊匪已於午刻躡淺過江

由南岸黃安壩而遁洋縣百姓見

臣

兵到立時

寧貼詢知該匪於昨晚在周家坎一帶因後有
追兵情形極爲慌亂只圖在鄉村掠食未經燒

燬民房惟該匪係猝然竄來民人有躲避不及者間被戕害而擄去者甚多實堪憤恨

臣

令官

兵趕緊造飯稍爲停息二更時先令札克塔爾同副將楊芳多隆武侍衛特依順保遊擊劉健標等帶領奮勇馬兵鄉勇由洋縣之西躡淺過江先赴黃安壩相機暗襲賊營

臣

於三更時親

帶桑吉斯塔爾侍衛安福舒林阿官福協領布

蘭泰永廷清德副將劉瑞王兆夔色克通阿豆
霽參將劉維馨由嚴家渡過江進剿札克塔爾
楊芳等行至四更將抵賊匪屯聚之處遇見逃
出難民據稱賊匪知大兵已到洋縣此刻將要
起竄札克塔爾楊芳等立即帶領兵勇於黑暗
之中衝入賊羣猛力攪殺賊匪紛紛驚竄有不
及乘馬者臣於黎明時帶兵亦到分督官兵數

路追剿賊匪墮馬者二百餘人並斬獲步行矛
手數十人官兵追出八九十里至申刻賊匪沿
山遍嶺四散向南飛奔我兵仍分路趕剿到東
嶽河暫紮稍集兵力計此次衝殺賊匪及沿途
斬獲賊匪共計三百餘人獲有騾馬二百餘匹
刀矛旗幟共二百餘件賊匪包裹等件拋棄無
算所有洋縣一帶被脅民人先後拏到及乘間

散出男婦計有六七百人臣隨時詢問里居均

不過一半日程途當卽各令回家無不感德而

去偵探該匪尙有二千餘人由神溪河桑園壩

竄往西鄉是日總兵永明在白沔聞信卽督同

遊擊伊星阿都司馬成抽帶守卡兵丁四百餘

名馳抵官東山守護西鄉城垣酉刻探知賊匪

竄來帶兵於河岸迎擊殺斃賊探十餘人因官

兵所堵正係該匪竄路騎馬賊匪由神溪河尖
出衝殺賊衆兵單傷亡百餘人永明復集兵并
率鄉民將該匪追趕至二十餘里之三郎舖而
去西鄉百姓未遭蹂躪該匪次日竄至茶鎮沿
江一帶近因江水淺涸處處可以徒涉該匪竟
欲於茶鎮搶過江北經前派防江之遊擊王瑄
都司屈端守備孫榮等率領兵勇堵禦賊匪不

能徑過維時臣帶兵緊追將近茶鎮賊匪聞風

卽向南面翻山由白洞溝竄向繪溪柳溪而逃

該處有副將富蘭帶兵於北岸防江賊匪見有

官兵嚴堵亦未敢搶撲現由梅湖漢陽坪刻不

停息向東南狂遁臣帶兵於二十八日至老漁

壩揚遇春格布舍等先經臣檄調因在山僻處

所協剿伍逆股匪於二十一日始接臣信遂收

集官兵由廟埡馬道漢中洋縣西鄉先帶馬隊
官兵兼程前來慶成亦由白沙渡江趕到

臣

適

接德楞泰來信楚省徐添德股匪被剿窮蹙竄
至竹谿適遇由平利東竄之樊人傑王國賢曾
芝秀陳朝觀等先後合夥德楞泰於棗樹嶺等
處大獲勝仗賊匪俱卽入陝楚境已無賊匪又
續據洵陽縣稟報賊匪於二十三日由洵陽高

背梁躡淺竄過江北德楞秦已於二十四日過

江追剿二十五日賊竄入張家坪德楞秦統兵

剿殺又獲勝仗

臣

查賊匪既已竄過江北雖股

數未據詳報然有德楞秦在彼截剿斷不致任

其東趨第恐該匪不能東奔勢必由石泉寧陝

地界西逸

臣

現飭令慶成帶領官兵仍過江北

由子午饒峯寧陝湯坪河一帶迎擊與德楞秦

兩相夾攻期將江北之賊趕緊撲滅臣現於老

漁壩將官兵整集卽與楊遇春等分路由漢南

西紫一帶趕剿冉學勝股匪且此外漢江南岸

如龍紹周一股據報已由平利西竄涪河而洵

陽之金河炭河亦有賊匪滋擾或卽係樊人傑

等逆臣與楊遇春等行抵前途總當隨時酌量

情形上緊趕辦臣現又知會長齡明亮等於交

界處所嚴密堵截勿令賊匪再入楚疆並嚴飭
慶溥喜明馬玉魁柯藩等各帶兵勇於平利安
康一帶毋論何股併力截剿不得使賊匪東趨
自可次第得手至寧陝一帶有伍懷志分股零
匪二三百人竄往臣已責成劉之仁通判雒昂
率領兵勇上緊搜捕昨據穆克登布等稟報所
剿伍懷志正股於老林內節次抄殺被剿情急

乘夜由夜臺子竄向棧東穆克登布豐紳等由

銀母寺寇家關一帶分路截剿臣已諄飭穆克

登布豐紳劉之仁等無論賊合賊分務須同心

商酌速辦完竣不許再有遷延又飛飭寧陝文

武將南山安營結寨事宜趕緊料理以杜各匪

再入南山至高二餘匪由仙坪高橋向西竄逃

現經長麟帶同蕭福祿由秦州之駱駝巷顧住

西北日內會否掃除

臣

尙未經得信

額勒登保又奏言查賊匪蔓延日久現已剿除

將淨如各處辦理妥善尤可期早蕝大功

臣

風

聞湖北省辦理軍務不甚妥協叅贊德楞泰前

往湖北時曾論及此事囑令密訪昨接伊札稱

自前月十八日抵湖北省後看來本省糧餉不

能支給官兵差往各處防禦皆賴沿途百姓供

支鄉勇中竟有各戴草帽持鎗冒充教匪百姓
畏懼遁逸遂搶攫一切物件細加察訪當時原
定鄉勇月銀三兩不給米石此卽按月支給鄉
勇等猶無處可買况又非按月支發勢必累及
百姓沿途民人扶老携幼向馬前呈訴甚屬可
憫隨與孫清元言及據孫清元稱實有其事等
語伏查糧餉爲用兵要務如不能接濟官兵必

致乏食卽不累及百姓亦必不能勇往殺賊領
兵各員亦無計可施現在湖北兵民情形如此
所關甚要臣不敢不據實奏

聞均奏入

上命軍機大臣傳諭額勒登保德楞泰曰前日德楞
泰摺內有額勒登保已至五郎之語朕恐冉學勝
一股漸趨東北與徐樊二逆合夥業經降旨令其

上緊截剿不可又任竄入南山茲據額勒登保奏
冉逆股匪南竄洋縣逼近城垣額勒登保率同札
克塔爾等趕至該處而賊匪已躡淺過江由南岸
逃遁額勒登保復督兵過江追剿該逆由西鄉竄
至茶鎮又欲搶過江北復經防江之遊擊王瑄等
率領兵勇堵禦賊匪不能徑過向東南逃遁是冉
學勝已過漢江南岸不能與徐添德合夥剿辦不

致棘手現在楊遇春格布舍已至經畧大營得此
一路勝兵聲勢更壯額勒登保正可督率剿辦但
冉學勝在陝西奔竄已久熟識南山路徑是以總
思竄過北岸額勒登保務須上緊截剿趁此兵力
將冉學勝股匪卽在漢南地方一鼓殲除並飭防
江鎮將悉力防堵勿令再竄北岸以期迅速剿淨
至徐添德與樊人傑等合夥躡淺竄過江北經德

楞泰統兵剿殺屢獲勝仗并將陳朝觀擊獲今額
勒登保派令慶成帶領官兵初過江北與德楞泰
爲兩面夾擊之計所辦甚是德楞泰一路官兵素
稱趨捷今又有慶成前往協剿足資辦理額勒登
保祇當專辦再學勝一股不必兼顧江北至伍懷
志一股穆克登布等在彼剿辦已久總未能殲淨
今據摺內稱被剿情急由朋堂子竄向棧東務須

飭令穆克登布豐紳劉之仁等併力速辦毋再遷延致干咎戾其在漢江南岸竄逸之龍紹周一股及洵陽地方賊匪額勒登保已知會長齡等於交界處所嚴密堵截並飭知慶溥喜明馬玉魁於平利安康一帶截剿惟當飭令加意嚴防切不可稍有疎懈再摺內稱高二餘匪現經長麟帶同蕭福祿由秦州駱駝巷顧住西北一節其如何剿辦情

形總未據長麟奏到伊前日奏到之摺祇係地方尋常事件前已有旨令長麟不必帶兵專辦地方事件因長麟係屬文員不加深責但高一餘匪竄入甘境亦屬緊要額勒登保或卽飭蕭福祿管領長麟原帶之兵專剿此股賊匪或另派勇幹鎮將幫同蕭福祿剿辦總在酌量情形妥爲調度再朕聞陝省地方所築堡寨近已有十之七八但現在

各省民寨祇知自顧不能彼此聲勢聯絡或遇賊匪攻圍一寨他寨團勇卽不相救應賊匪仍得從寨前奔逸安能所至輒窮自當曉諭各寨務令賊至之時互爲應援守望相助使賊匪到處有鄉勇攔截更可收事半功倍之效

上又命軍機大臣傳諭姜晟日前聞湖北辦理糧餉不能接濟軍營以致官兵乏食已降旨令倭什布

解任來京候旨本日又據額勒登保密奏據稱人
聞湖北糧餉辦理不善因囑德楞泰於赴楚時留
心查訪現據伊札稱楚省防堵官兵竟不給與糧
餉以致官兵勒索百姓搶掠糧食而鄉勇竟有各
執器械裝成教匪使百姓驚避卽行搶掠物件詢
及原委鄉勇本係每月給銀三兩不給糧食數月
以來并銀兩亦未經給發上年因楚省軍營人未

請餉當經降旨詢問不待伊等奏請自去春至今
節次撥餉一百七十餘萬兩又於鄰省撥給米石
何至兵勇乏食騷擾閭閻此必承辦之員任意侵
扣肥橐該省大小官員何昧良喪心一至於此已
明降諭旨將倭什布革職拏問交軍機大臣會同
刑部嚴審治罪姜晟在湖廣總督任內已及一載
曾經辦理糧餉至本年春間始離楚省前此不行

請餉已難辭咎及經撥給餉項又不實給兵勇縱令擾累良民而姜晟身爲總督何以並無一字奏及大負委任著傳諭該督卽將以上指出貽誤各情節及因何不行叅奏之處一併據實明白廻奏

同日倭什布奏言臣前於十三日在襄陽拜摺

後隨卽起程於十九日行抵房縣接准德楞泰札稱前將徐逆大股痛剿只剩三千人出山西

竄因老林險阻異常米糧缺乏所幸書麟捐廉
一萬兩爲兵丁兌買包穀之需得以贍補出山
並聞明亮軍營餉銀數月未散驟價不發致兵
丁鍋帳不到不能迅速追賊臣接閱之下不勝

駭異伏查臣於嘉慶四年春間奉

命補授兩湖卽赴軍營帶兵剿賊所有後路糧餉蒙
恩責成巡撫高杞督率襄陽二局道府辦理迨上年

春間臣降補巡撫仍在軍營帶兵其糧餉事務

又係總督姜晟接手督辦本年二月內姜晟調任直隸經前督臣書麟以後路軍需及安撫武漢等處饑難各民均關緊要奏奉

諭旨飭臣赴省籌辦臣以剿辦賊匪糧餉爲先斷不

可稍有遲悞當卽飛飭藩司孫玉庭將原截漕米六萬餘石盡行撥解襄陽以充軍需並恐各

州縣解運遲延分差多弁沿途迎催又飭藩司
派委文員前往各州縣守提督運並又籌撥江
西買米八千石解赴興山歸州一帶以期有
備無患辦理實已不遺餘力旋據襄陽局知府
張瑤稟報各州縣解到襄鄖二郡軍米截至三
月底止已收三萬一千六十餘石俱經設立臺
站陸續轉解二竹房保四縣存貯分解各營供

支並恐賊匪四竄道路梗塞預於賊匪常竄之
緊要碉寨各貯糧料軍火以備官兵追到就近
運供其餘軍米二萬八千六百餘石亦於四月
初旬銜尾抵襄自辦軍需以來後路糧運未有
此次之充裕也

臣

彼時因在省城籌辦安撫事

宜相距軍營二千餘里鞭長莫及誠恐辦理稍
有未週或致貽悞是以屢飭襄鄖二局道府暨

總理道員海昌督率各屬設法運供並札囑督
臣書麟就近指示妥辦以期無悞至餉銀一項
前奉

諭旨撥發江西山東廣東湖南共七十萬兩業於二
三兩月全數解交襄鄖二局分撥各營歸還積
欠並支發正二三四等月鹽菜等項及德楞泰
軍營之用臣自省起程時因續奉

諭旨所撥之廣東兩淮餉銀五十萬兩尙無起解日期一面飛催一面令藩司孫玉庭先於司庫籌撥銀十萬兩解襄接濟是糧餉二項均屬籌備寬裕何致軍行貽悞甚致有發銀採買包穀之事當向總理道員海昌及房縣知縣李維本嚴加查詢據海昌等回稱德楞泰追逐龍逆一股於三月初九日入竹谿縣境維時二竹房保所

有之糧除分貯各寨硯外各處縣城均存有二
三千石不等原未短缺祇因賊匪在前四路竄
擾德楞泰大兵在後運道梗阻當經竹谿竹山
二縣分撥軍糧繞道冒險運送不期猝遇賊匪
將運糧家丁王陞及差役人夫殺害糧多搶失
以致未及到營所幸德楞泰經行之硯寨尙有
米糧存貯隨地調取應用並經竹山縣范繼昌

派撥米糧分出間道設法運濟尙無貽悞迫行
至房縣境內該縣李維本五次解交米四百五
石有零三月二十二日德楞泰由上龕而至房
縣城外之太山廟紮營該縣李維本又解交米
三百石因彼時二竹均有米糧解到不能多爲
裹帶是以將房縣之糧退還一百九十四石五
斗有零嗣德楞泰於二十四日自房縣拔營由

台口前往興山李維本又解到台口米三百石
德楞泰止收一百一十五石六斗其餘一百八
十四石四斗現在台口存貯二十五日又在保
康金斗坪運交米一百石嗣德楞泰移兵興山
境內距城較遠該道恐興山運供不及復令後
路保康縣五次運交米四百零七石六斗裏帶
入山及德楞泰將賊匪轟擊出山竄回房境該

縣李維本先後撥發軍糧五百餘石分起直前
探運其頭起八十九石有零已經交收續後各
起運至上龔馬家溝羊叉河等處適遇賊匪折
回四散奔竄將解糧貢生張泗秘及夫役人等
殺害以致到營之糧未能足數嗣德榜秦與各
營官兵由西南一帶進至竹谿又復折入竹山
吉陽關等處各縣起運軍糧源源不絕又有各

寨硿隨地供支實無缺乏之事至德楞泰於三
月二十二日行抵房縣經書麟備銀一萬兩並
紗料布疋等項犒勞軍士其時糧米甚足軍士
不能多有裹帶屢經退還實無採買包穀之說
至明亮軍營本年正月起至四月中旬共撥解
過銀六萬八千兩現在又經裹局撥解銀一萬
餘兩該營兵勇無多核計鹽糧驛價有盈無絀

惟上年應支之項尙有尾項未清屢奉札飭找
楚因經手同知蕭與潔患病回襄無憑清釐已
經飭調該同知攜帶底案撥給銀兩馳赴明亮

營中將尾欠之項算明清給

臣

檢查案卷所稱

運交德楞泰軍營糧米及明亮軍營餉銀數目
並運員夫差被賊殺害緣由悉與報案相符似
非捏飾惟

臣

因赴省安撫饑民祇將後路糧餉

籌備寬裕未能分身親赴兵行各屬妥爲安頓
又因賊入老荒道路梗阻運糧丁役人夫屢被
戕害以致撥解雖多到營間有不足臣惶悚莫

能自解現在德楞泰追剿徐逆已入陝省白河
洵陽境內所有軍糧仍係楚省源源運供俟陝
省委員到日再行交替頃接探報白號股匪又
由白河折入房竹之郭家洲瓦房坪等處滋擾

現經長齡德昌帶兵截剿賊匪爲數無多易於撲滅奏入

上命軍機大臣傳諭吳熊光全保曰前因楚省辦理糧餉不能接濟以致兵行乏食剿賊延延倭什布係總督降補巡撫皆伊任內之事咎無可辭是以將伊解任令其來京候旨本日倭什布奏到之摺尙力爲申辯適接額勒登保奏據德楞額奏札稱楚

省派出防堵官兵竟不給發糧餉以致官兵勒索
百姓搶掠糧食鄉勇每月發銀三兩不給糧食數
月來并銀兩亦不給發以致鄉勇裝作教匪毀民
房屋掠民糧食被難之民紛紛向德楞泰呈訴德
楞泰詢之孫清元亦已承認實有擾累百姓之事
並聞本年賑濟飢民不免張大其事亦有不實已
降旨將倭什布革職拏問矣去年因楚省軍營久

未請餉當經降旨詢問不待伊等奏請節次撥發
餉項計自上年至今已有一百七十餘萬兩並於
鄰省撥給米石何至不能接濟兵食卽偶被賊匪
搶去豈竟全未解至軍營實出情理之外伊等從
前不行請餉祇圖目前見好並不計及剿賊稽遲
已屬有心貽誤迨叠次撥餉接濟又不實給兵勇
遂向民間搶掠習以爲常尙復成何事體是教匪

之外又添兵勇滋擾而兵勇之敢於如此總因糧
餉不繼地方官辦理不善無所逃罪幸而該省民
人頗有天良屢被兵勇勒索尙不肯去而從賊惟
向德楞泰紛紛泣懇設該省民人無可赴懇咸不
聊生相率爲匪豈不激成他變該省胡齊崙之案
甫經辦理何以承辦之員尙敢侵扣餉項貽誤軍
行實屬可恨不料伊等喪心昧良一至于此吳熊

光全保係新任督撫無可迴護惟當嚴加查訪或
係倭什布辦理乖方抑係糧員等從中侵蝕如得
有確據卽一面叅奏一面鎖拏究辦以儆官邪而
靖民心至兵勇等向民間搶掠本屬大干法紀但
因不給餉項所致此時亦難概行查辦現在該省
續調粵東江西兵丁及舊存兵勇尙有防堵之事
吳熊光等務將辦理糧餉一事大加整頓俾兵勇

人人充裕無可藉口如再有搶掠之事卽當執法從事其鄉勇內有可以裁撤者量爲撤去至楚省大小官員甚多其承辦軍需者係屬何人著吳熊光等查明分別叅辦俟奏到時再降諭旨再前此湖北難民紛紛回赴武漢一帶搶掠傷官安知非此等乏食兵勇任意滋擾所致其辦理賑濟有無浮冒均當據實嚴叅辦理不可稍有瞻徇此時楚

北境內已無大股賊匪其房竹邊界處所現有長
齡等帶兵巡防吳熊光全保係本省督撫清理糧
餉整飭地方是其專責惟當秉公嚴查一有確據
卽速行馳奏

上諭內閣曰前因湖北辦理糧餉不能隨時接濟軍
行乏食是以賊匪不能尅期剿竣近日德楞泰追
剿徐添德糧餉不繼僅賴書麟捐給銀兩俾兵丁

沿途購買卽長齡明亮孫清元各路軍糧亦皆不
能接濟當卽明降諭旨以倭什布本由湖廣總督
降補湖北巡撫皆伊任內之事乃積玩因循其罪
實無可辭因令解任來京候旨本日倭什布奏到
之摺力爲申辯正在降旨查辦適額勒登保奏到
密陳湖北情形據稱久聞湖北辦理糧餉甚不安
協因囑德楞額於赴楚時留心察訪現接伊來札

內稱楚省所派防堵官兵竟不給發糧餉以致官
兵有勒索百姓之事而鄉勇等係每月給銀三兩
不給糧食數月以來并銀兩亦未給發甚至擾累
居民等語殊堪駭異各省派調兵勇原以剿賊安
良數年以來糜帑至數千萬何嘗稍有吝惜昨年
因楚省軍營久未奏請撥餉經朕降旨查詢並不
待伊等奏請節次撥發餉銀自上年至今所發銀

數已及一百七十餘萬兩并撥給鄰省米石何至不能接濟軍食此必承辦之員任意侵扣私肥囊橐竟忍令兵勇枵腹從事累及閭閻是國家派撥兵勇未能安民先以病民實不料該省大小官員喪心昧良一至於此倭什布在楚有年種種黷糺著卽革職拏問交軍機大臣會同刑部嚴審治罪計倭什布已將行抵河南著交顏檢傳旨將伊鎖

解來京派委誠安大員小心押送毋令稍有疎虞